

Učenicima srednje škole
i njihovim roditeljima i starateljima

U Liestalu, 14. oktobra 2021. god.

Vakcinacija protiv Covid-19 u srednjim školama u kantonu Basel-Landschaft za mlade u dobi od 12 i više godina

Poštovani roditelji i staratelji
Drage učenice, dragi učenici

Krajem juna obavijestili smo Vas da je vakcinacija protiv korone moguća i za djecu i mlade u dobi od 12 i više godina. Švicarski savezni ured za javno zdravstvo (Bundesamt für Gesundheit, BAG) i švicarska savezna komisija za pitanja vakcinacije sada su proširili preporuku. Budući da je nekoliko miliona djece i adolescenata vakcinisano u cijelom svijetu, koristi i rizici vakcine za ovu dobnu skupinu mogu se ponovno procijeniti. Nakon pažljivog proučavanja ovih novih naučnih zapažanja i podataka, procijenjeno je da na osnovu trenutnih saznanja koristi od vakcinacije nadmašuju rizik od vrlo rijetkih nuspojava vakcine, i vakcinacija se sada preporučuje za **svu** djecu i adolescente u dobi od 12 i više godina.

Tokom sedmica nakon jesenjeg raspusta, pored već postojećih ponuda za vakcinaciju u centru za vakcinaciju, vakcinacije će se nuditi i **na licu mjesta u srednjim školama** kantona Basel-Landschaft. Ponuda vrijedi za sve učenice i učenike koji još nisu vakcinisani i koji imaju pristanak roditelja.

Škola će Vas izravno obavijestiti o točnom vremenu vakcinacije u školi Vašeg djeteta.

Pod uslovom da se Vi kao zakonski staratelj kao i Vaše dijete slažete i da nema ozbiljnih zdravstvenih ograničenja, vakcinaciju protiv Covid-19 mogu u školi provoditi mobilni timovi centra za vakcinaciju. Koristi se vakcina Comirnaty kompanije Pfizer BionTech.

Adolescenti moraju sa sobom u školu na vakcinaciju ponijeti sljedeće dokumente:

- potpisana izjava o pristanku za djecu mlađu od 16 godina
- zdravstveni obrazac
- kartica zdravstvenog osiguranja
- lična karta / pasoš / boravišna dozvola (Ausländerausweis)
- knjižica o vakcinaciji, ako želite da se u nju unese vakcinacija protiv Covid-19

Učenice i učenici imaju dozvolu da ne prisustvuju nastavi za vrijeme vakcinacije.

Ured za zdravlje BL preporučuje da se **sva** djeca i adolescenti stariji od 12 godina koji još nisu vakcinisani sada vakcinišu. Vakcina štiti od ozbiljnih bolesti uzrokovanih korona virusom i smanjuje rizik od prijenosa. Međutim, važno je da je ponuda **dobrovoljna** i da je na svakom pojedincu da odluči hoće li se vakcinisati.

Odluka o vakcinaciji se stoga **mora pažljivo razmotriti**. Savjetujemo adolescentima i roditeljima koji nisu sigurni trebaju li se oni ili njihovo dijete vakcinisati, da traže savjet od svog pedijatra.

Za dodatne informacije o vakcinaciji protiv Covid-19 upućujemo vas na sljedeće linkove:

- Kanton Basel-Landschaft: [vakcinacija protiv korona virusa](#)
- Bundesamt für Gesundheit BAG: [Letak za mlade](#)
- Bundesamt für Gesundheit BAG: [Najčešća pitanja o vakcinaciji protiv korona virusa za djecu i mlade](#)
- Bundesamt für Gesundheit BAG: [vakcinacija protiv korona virusa](#)
- Swissmedic: [Video zapisi sa objašnjenjima](#)

U video zapisima BAG također pojašnjava mitove/glasine koje kruže o vakcinaciji i njenim posljedicama:

- [Genetske promjene](#)
- [Razvoj vakcine](#)
- [Popratne pojave](#)
- [Neplodnost](#)
- [Rizik od alergije](#)

Ako imate bilo kakvih pitanja ili nedoumica, obratite se direktno na telefonsku liniju „Corona-Hotline“ pod brojem 061 552 25 25 ili nam pišite na impfen@bl.ch.

URED ZA ZDRAVLJE



Samuel Erny, Dipl. Arzt. MPH
Kantonalni ljekar



Irène Renz, Dr. sc. nat., MPH
Zamjenica voditelja Ureda za zdravlje